

潮陽縣志 卷二

光緒 甲申

潮陽縣知縣周恆重修

疆域

潮陽縣廣一百七十里袤一百二十五里至府一百四十里水路至省一千七百八十里陸路至省一千里至 京師七千三百三十里

案林志封疆以海豐為界以揭陽為限延袤至於六七百里而遙云云此蓋指未割置惠來普甯時舊疆域也

東至蓮澳六十里為大海

西至大長隴八十里普甯縣界

潮陽縣志 卷二

疆域

南至草蕪三十里惠來縣界

北至南礮臺九十里揭陽縣界

臺本在縣西北其曰北者以路從縣北門

出也

東南至海門錢澳三十里為大海

東北至角石四十里澄海縣界

西南至雷公嶺林孝子墓九十里惠來縣界

舊以寒婆徑為

界見潮府周志

西北至貴嶼橋七十里普甯縣界

潮普分界以溪為限惟青洋山一村

在溪外。又潮府周志作西北至大尖山九十里揭陽縣界

內南礮臺 錢澳 河渡門 角石 葛洲 澳頭

蓮澳 宮鞋石

外錢澳 廣澳 廣澳 廣澳

形勢

潮陽龍首北昂神山南伏達濠有營堡之汎磊石為

洋海之門 廣東舊志

左右皆山前後皆水形勝視他邑特奇 潮府舊志

左窺磊口險稱大海門庭右挹臨崑遠接羣峰脈絡

達濠砂浦艘舶鱗編蓮澳雞山兵弁碁布 潮府周志

雄峙雙峰遠宗百丈 邑之祖山來自汀贛由百丈原龍躍虎跳直抵臨崑高山而下

湧出雙峰迤邐而東至於西山之原十里許爰立縣治 龍首是展練江作障面

潮陽縣志 卷二 形勢

二

海背洋方漢為險 林志

東山屏衛西峰翰翼背洋環江原膺土沃 唐志

沿革

秦

始皇三十三年初平南越以爲三郡

案史記三郡曰桂林曰象郡曰南海南海之屬一爲揭陽實吾潮故疆也始秦并六國分天下爲三十六郡郡置守尉監而南越猶陸梁不服至是迺遣任囂趙佗擊平之以其地爲三郡蓋越之爲郡自此始

或謂志縣昉於秦何也以罷封建置郡縣自秦始又必首書南越者何以邑隸於郡而郡開於越志

潮陽縣志

卷二

沿革

三

所本也

漢

武帝元鼎六年復定越地以爲七郡

案漢書七郡曰南海蒼梧鬱林合浦交阯九真曰南南海之屬六一爲揭陽卽秦故南海郡屬也先是秦平南越置郡未幾陳勝等起豪傑叛秦自相立越地復爲趙佗所據三郡遂失後有呂嘉之亂漢因興兵誅之揭陽令史定等以其地降遂定越地復置爲郡尋開儋耳珠厓通爲九郡云

晉

武帝太康三年置南康郡以揭陽爲屬縣

案晉書南康統贛雩平固南康今贛州揭陽五縣屬

揚州及惠帝時有司奏荆揚疆土廣遠難於統理因割揚之豫章南康與荆之武昌等共十郡置江州焉

成帝咸和元年分南海爲東官郡以揭陽屬之東官郡治

寶安即今東莞縣統興甯海豐揭陽

邑本揭陽故地自秦漢來俱屬南海至晉始改隸南康尋復改隸東官蓋自是始與南海分矣

安帝隆安元年分東官揭陽縣地立義安郡始置縣

潮陽縣志 卷二 沿革 四

於海北曰潮陽義安郡統五縣綏安海甯海陽昭義潮陽○據元和郡縣志義安郡義熙

九年立

此書立義安郡分自東官者見揭陽至此始陞爲

郡而郡之屬邑始有潮陽也案山南曰陽水北亦曰陽故名

隋

文帝開皇十年以故義安郡爲潮州潮陽仍屬之

本郡自晉以來易爲州者屢矣至陳州廢及是年

文帝平陳始置潮州蓋潮州之名自此始

煬帝大業三年復以潮州爲義安郡潮陽如故

案隋書元年廢諸州總管府尋改州爲郡而縣名

更不易云

唐

高祖武德四年改義安郡為潮州潮陽如故

高宗永徽元年省潮陽入海陽

睿宗先天元年復置潮陽縣

舊縣治在臨崑之高山即先天間所置

據元和郡縣志作貞

元九年

元宗開元二十一年分天下為十五道其一曰江南

道潮陽屬之

明年復以潮陽屬嶺南道

潮陽縣志

卷二

沿革

五

憲宗元和十四年潮州刺史韓愈始遷潮陽縣治於

新興鄉

即今縣治

宋

太宗至道三年分天下為十五路尋增三路其十七

曰廣南東路州十六潮陽仍屬潮州

高宗紹興二年廢潮陽入海陽

十年復置潮陽

邑自得名以來在唐之永徽宋之紹興間一議廢

然皆不久而復得非其中有不便於民者在耶要

之既廢復置徒滋紛擾不如不廢之為愈也

元

世祖至元十七年改潮州為潮州路潮陽隸之

明  
太祖洪武二年改潮州路為潮州府統海潮揭程四縣

世宗嘉靖四年析潮陽置惠來

邑故所統地南至海豐界民依險阻多逋負宏治末流賊劫掠正德七年巡按御史熊蘭因耆民方宗珙等呈請奏增縣治以彈壓之至是始析隆井三分之一及大坵西頭惠來三都并析海豐之龍

潮陽縣志

卷二

沿革

六

溪一都分置惠來縣

四十五年復析潮陽置普甯

先是饒平撫盜張連以三饒叛分部流劫江閩二省而海程潮惠黠賊王伯宣林朝曦陳八黃啟薦等復與連和為犄角之勢於是督撫都御史張臬會兵勦之及連等伏誅因建議善後之策以海程邊地分置澄海平遠二縣而析潮之洋烏滅水黃

阮三都置縣曰普甯

以上俱林志

神宗萬曆九年洋滅二都復歸潮陽

臧志

國朝

世宗憲皇帝雍正十年以滅水全都貴山半都洋烏都尾析  
與普甯

時巡撫楊文乾據普甯令王廷相藍鼎元黃道泰  
先後所請 奏稱前明嘉靖年間析潮陽之黃阡  
滅水洋烏三都置普甯縣後洋滅二都復歸於潮  
普邑疆域失舊爲地僅四十里因請將該都析與  
之奉

旨依議  
唐志

潮陽縣志

卷二

沿革

七